

საქართველოს ორგანული კანონი  
საქართველოს ორგანულ კანონში  
„საქართველოს საარჩევნო კოდექსი“  
ცვლილებებისა და დამატებების შეტანის შესახებ”

მუხლი 1. საქართველოს ორგანულ კანონში „საქართველოს საარჩევნო კოდექსი“ (საქართველოს საკანონმდებლო მაცნე, №25, 22.08.2001, მუხ. 107) შეტანილ იქნეს შემდეგი ცვლილებები და დამატებები:

1. ამოღებულ იქნეს: მე-15 მუხლის მე-3 პუნქტი; 109-ე მუხლის მე-2 პუნქტი; 111-ე მუხლის მე-2 პუნქტი; 112-ე მუხლის მე-3 პუნქტი; 115-ე მუხლის მე-5 პუნქტი; 118-ე მუხლი;

2. დამატოს შემდეგი შინაარსის XVII<sup>1</sup> თავი:

თავი XVII<sup>1</sup>

საქართველოს დედაქალაქის – თბილისის საკრებულოს არჩევნები

მუხლი 127. საქართველოს დედაქალაქის – თბილისის საკრებულოს არჩევნების ჩატარების ზოგადი წესები

საქართველოს დედაქალაქის – თბილისის თვითმმართველობის ორგანოს – საკრებულოს (შემდგომში თბილისის საკრებულო) არჩევნების ჩატარებისას გამოიყენება ამ კოდექსით დადგენილი ნორმები, თუ ამ თავის ნორმებით სხვა რამ არ არის გათვალისწინებული.

მუხლი 127<sup>1</sup>. თბილისის საკრებულოს შემადგენლობა  
თბილისის საკრებულო შედგება 37 წევრისაგან

მუხლი 127<sup>2</sup>. საარჩევნო სისტემა

1. თბილისის საკრებულოს არჩევნები ტარდება შერეული საარჩევნო სისტემის საფუძველზე.

2. საკრებულოს 25 წევრი აირჩევა მაჟორიტარული წესით, მრავალმანდატიან ადგილობრივ საარჩევნო ოლქებში, ხოლო 12 წევრი პროპორციული წესით თბილისის მთელ ტერიტორიაზე არჩევნების შედეგების შეჯამების შედეგად.

მუხლი 127<sup>3</sup>. თანასწორი საარჩევნო უფლება  
საქართველოს დედაქალაქის – თბილისის საკრებულოს არჩევნებისას ყოველ ამომრჩეველს აქვს ერთი ხმის უფლება.

მუხლი 127<sup>4</sup>. საარჩევნო ოლქები

1. თბილისის საკრებულოს არჩევნებისათვის იქმნება ათი მრავალმანდატიანი ადგილობრივი საარჩევნო ოლქი:

- ა) მთაწმინდის;
- ბ) ვაკის
- გ) საბურთალოს
- დ) კრწანისის
- ე) ისნის
- ვ) სამგორის
- ზ) ჩუღურეთის
- თ) დიდუბის
- ი) ნაძალადევის
- კ) გლდანის

2. პროპორციული საარჩევნო სისტემით საკრებულოში ასარჩევი მანდატების განაწილების უზრუნველყოფის მიზნით შემაჯამებელი საარჩევნო კომისიის ფუნქციებს ახორციელებს საქართველოს ცენტრალური საარჩევნო კომისია.

მუხლი 127<sup>5</sup>. თბილისის საკრებულოს არჩევნებისას შესაბამის ადგილობრივ საარჩევნო ოლქში მაჟორიტარული წესით გასანაწილებელი მანდატების რაოდენობის განსაზღვრა

1. შესაბამის ადგილობრივ საარჩევნო ოლქში მანდატების რაოდენობა განისაზღვრება არჩევნების წლის 1 იანვრის მდგომარეობით შესაბამისი ადგილობრივი საარჩევნო ოლქის ტერიტორიაზე ამომრჩეველთ რაოდენობის შესაბამისად.

2. შესაბამის საარჩევნო ოლქში მანდატების რაოდენობა განისაზღვრება ამომრჩეველთა რაოდენობის შესაბამისად, პრინციპით - ყოველ 25 000 ამომრჩეველზე ერთი მანდატი.

3. მანდატების რაოდენობა ერთ ადგილობრივ საარჩევნო ოლქში არ შეიძლება იყოს 2-ზე ნაკლები და 3-ზე მეტი.

4. მანდატების რაოდენობას არჩევნების დასიზღვრებულ არაუგვიანეს 10 დღის განმავლობაში განსაზღვრავს ცესკო.

მუხლი 127<sup>6</sup>. თბილისის საკრებულოს არჩევნებში მონაწილეობის უფლება და რეგისტრაცია

1. თბილისის საკრებულოს არჩევნებში მონაწილეობის უფლება აქვს პარტიას, საარჩევნო ბლოკს, პარტიის, საარჩევნო ბლოკის, ამომრჩეველთა საინიციატივო ჯგუფის მიერ წარდგენილ კანდიდატს (კანდიდატებს), ამ მუხლით განსაზღვრული საარჩევნო კომისიის მიერ რეგისტრაციის შემთხვევაში.

2. პროპორციული წესით არჩევნებში მონაწილეობისა და საკრებულოს წევრის მანდატის მოპოვების უფლება აქვთ მხოლოდ პოლიტიკურ პარტიებს და საარჩევნო ბლოკებს.

3. ადგილობრივ საარჩევნო ოლქებში მაჟორიტარულ არჩევნებში მონაწილეობის უფლება აქვს პარტიის, საარჩევნო ბლოკის ან საინიციატივო ჯგუფის მიერ

წარდგენილ კანდიდატებს, იმ პირობით, რომ ერთ სუბიექტად წარდგენილი უნდა იქნეს იმდენი კანდიდატი, რამდენ მანდატიანიცაა შესაბამისი ადგილობრივი საარჩევნო ოლქი.

4. მაჟორიტარული წესით არჩევნებში მონაწილე კანდიდატთა რეგისტრაციას ახორციელებს შესაბამისი ადგილობრივი საარჩევნო ოლქი, ხოლო პარტიული სიების რეგისტრაციას საქართველოს ცენტრალური საარჩევნო კომისია.

მუხლი 127<sup>7</sup>. თბილისის საკრებულოში პარტიული სიების წარდგენა

1. ქალაქ თბილისის საკრებულოში პროპორციული საარჩევნო სისტემის საფუძველზე ასარჩევ პარტიულ სიებს პარტია, საარჩევნო ბლოკი საქართველოს ცენტრალურ საარჩევნო კომისიაში წარადგენს კენჭისყრამდე არაუგვიანეს 30 დღისა.

2. თბილისის საკრებულოში პროპორციული წესით ასარჩევი კანდიდატების პარტიული სია არ უნდა იყოს 12-ზე ნაკლები და 24-ზე მეტი.

3. პარტიულ სიაში შეიძლება შეყვანილ იქნეს მხოლოდ ამ პარტიის წევრი ან ის პირი, რომელიც არ არის არჩევნებში მონაწილე სხვა პარტიის წევრი, ხოლო საარჩევნო ბლოკის მიერ წარდგენილ პარტიულ სიაში - მხოლოდ ამ ბლოკში გაერთიანებული პარტიის წევრი ან ის პირი, რომელიც არ არის არჩევნებში მონაწილე სხვა პარტიის წევრი. ერთდროულად პირი შეიძლება შეყვანოს იქნეს მხოლოდ ერთ პარტიულ სიაში და წარმოადგენს იქნეს მხოლოდ ერთ ადგილობრივ საარჩევნო ოლქში.

4. პარტიული სიების შედგენის წესს განსაზღვრავენ პარტიები და საარჩევნო ბლოკები. პარტიული სიის შედგენისას გათვალისწინებული უნდა იყოს, რომ არჩევნების შედეგების მიხედვით პარტიის, საარჩევნო ბლოკის მიერ მიღებული მანდატები ნაწილდება თანამიმდევრობით, სიის დასაწყისიდან რიგის მიხედვით.

5. პარტიულ სიაში მითითებული უნდა იყოს თითოეული კანდიდატის:

ა) სახელი, გვარი;

ბ) დაბადების თარიღი;

გ) პროფესია;

დ) თანამდებობა (საქმიანობა);

ე) საშუალო ადგილი (თუ უმუშევარია, მიეთითება - „უმუშევარი“);

ვ) პარტიულობა (პარტიის წევრობის შემთხვევაში, ხოლო თუ უპარტიოა, მიეთითება - „უპარტიო“);

ზ) საქართველოს მოქალაქის პირადობის მოწმობის (საქართველოს მოქალაქის პასპორტის) და პირადი ნომრები;

თ) რეგისტრაციის ადგილი.

6. პარტიული სია დამოწმებული უნდა იყოს არჩევნებში დამოუკიდებლად მონაწილე პარტიის ხელმძღვანელის, ხოლო საარჩევნო ბლოკის პარტიული სია - ბლოკში გაერთიანებული ყველა პარტიის ხელმძღვანელთა ხელმოწერებით.

7. პარტიულ სიას თან უნდა ერთვოდეს ყოველი კანდიდატის ორი ფოტოსურათი, მის მიერ ხელმოწერილი სააღრიცხვო ბარათი (ორ ცალად) მისი შევსების თარიღის მითითებით, სკდაც კანდიდატის საანკეტო მონაცემებთან ერთად (სახელი, გვარი, საქართველოს მოქალაქის პირადობის მოწმობის (საქართველოს მოქალაქის პასპორტის) და პირადი ნომრები, რეგისტრაციის ადგილი, დაბადების თარიღი) მითითებული უნდა იყოს მისი საქართველოში 5 წლის მანძილზე მუდმივად ცხოვრების ფაქტი და თანხმობა ამ პარტიული სიით კენჭისყრაზე.

მუხლი 127<sup>8</sup>. თბილისის საკრებულოს წევრობის მაჟორიტარ

კანდიდატთა წარდგენა

1. თბილისის საკრებულოში მაჟორიტარული წესით ასარჩევ კანდიდატთა წარდგენის უფლება აქვს:

ა) ამომრჩეველთა არანაკლებ 5-კაციან საინიციატივო ჯგუფს;

ბ) არჩევნებში დამოუკიდებლად მონაწილე პარტიას;

გ) საარჩევნო ბლოკს.

2. პარტიას, საარჩევნო ბლოკს, ამომრჩეველთა საინიციატივო ჯგუფს უფლება აქვს წარადგინოს საარჩევნო უფლების მქონე პირი, თუ მას მხარს უჭერს არანაკლებ 200 ამომრჩეველი, იმ პირობით, რომ ერთ სუბიექტად წარდგენილი იქნება იმდენი კანდიდატი, რამდენმანდატიანიცაა ადგილობრივი საარჩევნო ოლქი.

3. ამ მუხლის პირველ პუნქტში გათვალისწინებული სუბიექტები ადგილობრივ საარჩევნო ოლქს დამატებით წარუდგენს კანდიდატთა სარეზერვო სიას.

მუხლი 127<sup>9</sup>. საარჩევნო ბიულეტენი

1. თბილისის საკრებულოს არჩევნებისათვის მზადდება ერთი ბიულეტენი.

2. საარჩევნო ბიულეტენში შეტანილი უნდა იქნას რიგითი ნომერი, შესაბამისი რაოდენობის კანდიდატის სახელი და გვარი, აგრეთვე მითითებული უნდა იყოს წარმდგენი პარტიის, საარჩევნო ბლოკის სახელწოდება, ხოლო თუ კანდიდატები წარდგენილი საინიციატივო ჯგუფის მიერ მიეთითება - „საინიციატივო ჯგუფის კანდიდატები“.

3. მონაცემები კანდიდატების თაობაზე საარჩევნო ბიულეტენში შეიტანება ცენტრალური საარჩევნო კომისიის მიერ წილისყრით განსაზღვრული რიგითობის შესაბამისად.

4. არჩევნებში მონაწილე ამომრჩეველი ბიულეტენში შემოხაზავს მხოლოდ ერთ რიგით ნომერს.

მუხლი 127<sup>10</sup>. ადგილობრივ საარჩევნო ოლქში მაჟორიტარული არჩევნების შედეგების დადგენა

1. თბილისის საკრებულოს წევრების მაჟორიტარული არჩევნები ჩატარებულად ჩაითვლება, თუ კენჭისყრაში მონაწილეობას მიიღებს შესაბამისი ადგილობრივი საარჩევნო ოლქის ამომრჩეველთა სულ ცოტა 1/3.

2. თბილისის საკრებულოში არჩეულად ჩაიფიქლებიან ის კანდიდატები, რომლებიც არჩევნებში მონაწილეობდნენ ერთ სუბიექტად და მიიღეს სხვებზე მეტი ხმა.

მუხლი 127<sup>11</sup>. პროპორციული სისტემით მანდატების განაწილების წესი

1. პროპორციული სისტემით მანდატების განაწილების მიზნით უკმაძღვრება ადგილობრივ საარჩევნო ოლქებში პარტიის, საარჩევნო ბლოკის მიერ წარდგენილ კანდიდატთა მიერ მოპოვებული ხმების რაოდენობა.

2. პროპორციული სისტემით გასანაწილებელი საკრებულოს წევრის მანდატები მიეკუთვნება მხოლოდ იმ საარჩევნო სუბიექტს, რომელმაც მიიღო არჩევნებში მონაწილეთა ხმების არანაკლებ 4%.

3. საარჩევნო სუბიექტის მიერ მიღებული მანდატების რაოდენობის დასადგენად მის მიერ მიღებული ხმების რაოდენობა უნდა გამრავლდეს 12-ზე, და გაიყოს ასეთი

სუბიექტების მიერ მიღებულ ხმათა რაოდენობის ჯამზე. მიღებული რიცხვის მთელი ნაწილი წარმოადგენს საარჩევნო სუბიექტის მიერ მიღებული მანდატების რაოდენობას.

4. თუ საარჩევნო სუბიექტის მიერ მიღებული მანდატების რაოდენობათა ჯამი ნაკლებია 12-ზე გაუნაწილებელი მანდატებიდან თითო მანდატი მიეკუთვნება იმ საარჩევნო სუბიექტებს, რომლებმაც ხმების მეტი რაოდენობა მიიღო.

5. თუ არჩევნებში მონაწილეთა ხმების 4% და მეტი მიიღო 12 საარჩევნო სუბიექტზე მეტმა, ამ მუხლის მე-2 პუნქტით დადგენილი განაწილების წესი არ გამოიყენება. ასეთ შემთხვევაში თითო მანდატი მიეკუთვნება იმ საარჩევნო სუბიექტებს, რომლებმაც ხმების მეტი რაოდენობა მიიღო.

მუხლი 127<sup>12</sup>. თბილისის საკრებულოს წევრთა რეგისტრაცია არჩევნების საბოლოო შედეგების შეჯამებიდან 5 დღის ვადაში საქართველოს ცენტრალური საარჩევნო კომისია რეგისტრაციაში ატარებს საკრებულოს წევრად არჩეულ პირებს და გადასცემს მათ შესაბამის მოწმობებს.

მუხლი 2. ეს კანონი ამოქმედდეს გამოქვეყნებისთანავე.

საქართველოს პრეზიდენტი

მიხეილ სააკაშვილი